

頤
道
堂
詩
選

頤道堂詩選卷八

錢塘 陳文述 退庵

古今體詩

古雲襄伯因病辭爵南歸道出袁江小住旬日語舊
錄別成七言長古一章送歸錢塘並寄梅史都下
經年夢斷燕臺樹金溝落葉應無數河上帆催舊雨來天
邊月落停雲暮停雲舊雨最相思憶向盧溝折柳絲一卷
新詩述祖德 高宗皇帝太平時十年武帳提金鼓相國
聲名重西土濟時勛業李文饒安邊旌節韋忠武漢殿金
貂紫綺裘少年身襲富平侯禁中走馬長楸埽爭識金張
第一流春潮消長人情別翟公門巷無車轍攀髯淚灑鼎

湖寒茂陵遺事憑誰說抱病風塵閱幾年城南草杜遠于
天將軍自有山林意都尉偏深翰墨緣今年聞上辭官疏
公卿動色龍樓曙五湖煙水一身閒君恩浩蕩容歸去
明時歸計穩江鄉天馬山高弔夕陽意外袁江重握手水
天閒話夜燈涼頻年憶作長安客山房小住留鴻蹟太平
湖水上林花春雨銅街道南宅煙雨錢塘好釣磯春明門
外故侯歸有人寂寞雲園住極目天涯一雁飛

得家書喜荀兒生

正思病婦百愁并一紙書來心太平如達定知得母意於
菟還復假兒名與芹兒同生於寅余字之曰小虎果然驥子多賒望便是
豚兒亦慰情想見高堂開口笑兩孫纔隔兩旬生六弟之梅生於

十月廿
五日生

梅菴宮保見序拙集感呈四律竝柬曼兄

尙書風度古韓休
玉節東南領上遊
公集早經傳一品
不才爭敢望千秋
龍門華望到前席
麟閣詩名預勝流
我是當年狂李白
有書祇合上荊州

宮體耽吟仿玉臺
規模原自昔人開
曾無刻意三都賦
空有虛名一代才
秋晚稻粱憐雁羽
花寒苜蓿病龍媒
江南寫徧蘭成集
珍重滕王作序來

長慶騷壇自樂天
斐東詩格邁前賢
何人懷古一千首
此席於今二百年
湖海能豪猶有魏
江河不廢敢同傳
王前盧後淵源在
曾奉心香一瓣虔

序中以梅邨迦陵相況
竝謂詩出於藍故云

我肯詞場步後塵君從文苑結芳鄰才如枚叔飛書捷人
比周郎酒味醇奇氣樓頭原兀做大名日下太輪囷相逢
當代平津閣還向淮南說二陳

得桂香東侍郎書知與楚翹閣學同有木蘭扈 蹕
之役賦此奉寄

楚天鴻雁下清秋芳訊經時到石頭天上故人同扈 蹕
江南詞客獨登樓黃河夜雨愁新漲灤水西風憶舊遊一
賦山莊空寫徧不堪重與問曹劉

聽雪懷古雲

北固樓臺暗暮雲晚潮寒色上西津梅花城郭江南路憶
爾扁舟聽雪人

蓁裳農部奉譴南旋道出袁浦把晤累夕送歸金陵
麻衣如雪暮雲涼歸計曾無舊草堂河上扁舟聽楚雨鏡
中兩鬢點吳霜夢迴白月驚烏戍風急青天感雁行回首
玉關秋萬里翦燈重爲說河湟

人海蒼茫憶昔遊當年儔侶各沉浮金貂換酒甌狂客早
帽還家隱故侯別館人遙梁苑暮高臺葉落薊門秋懷知
感舊情何限併作西風一夜愁

送犀泉歸錢塘

風絮雲萍感卜居歸帆容易又江湖黃河雪暗離襟遠紅
燭花殘客影孤晚歲關山仍縱酒故園風景正圍爐此行
倘放西溪棹爲問寒梅憶我無

雲梯關歌

君不見星宿海黃河落天幾千載君不見雲梯關黃河濁
浪高于山生平足蹟三萬里不見河源見河委桃花漲急
白馬驕併作東瀛一杯水東瀛浩浩關門前漸看滄海成
桑田蓬萊清淺白日晚暮雲一碧消空煙柳柏山高水東
走此地古稱大淮口晚潮西上春風生綠盡關門萬株柳
柳枝隲地不可攀柳花如雪凋朱顏東流之水何時還君
不見雲梯關

暮色

歸鳥去欲盡晚來天更青湖波映黃月海氣上紅星峭語
學山谷逸情懷洞庭佳人不相見空有碧雲停

同徐稼庭萬浣筠觀黃河入海處

長風捲霧溼征裘來看黃河入海流足底恐驚蛟鼉起望
中惟覺水天浮圓經思思千秋事身世茫茫萬古愁同向
東溟攬蓬鬢飄飄蹤跡感浮漚

白沙古寺對月

月明鴉滿樹古寺夜生寒佛臉餘香在僧邀畫壁看車聲
過林杪隄影出檐端三五雷陳蹟清輝印曲闌

喜謙谷至

燈下叩門急忽聞子季來高堂起居適遊子心顏開已見
河流復休嫌酒琰催今宵春草夢得句共君裁

蒲髯出塞行贈蒲快亭

外

夕陽紅挂關門樹一綫盤空飛鳥度長城劃斷萬峯碧中
有韓翁舊行路蒲葦蒲葦眞人豪讀徧經史緡鈴韻中年
買賦不稱意鵬鴒夜淬龍雀刀河間朱郎延賓開梁閣上
客相如來長揚從獵奏嘉頌衆中誰是班揚才 本朝功
烈邁前古車攻再勒岐陽鼓 九旬天子木蘭圍萬里
天威懾蕃部賢王冠 蹕從屬車萬騎噴沫間吹箠葦也
短後彎雙弧盤雕影沒醫巫閼白狼河上秋風生盧龍山
下秋月明萬帳挾地銀河橫簫直蓬管邊聲生縛黃廳
擊豪挺此時情也應快意卽今圖中好風貌奕奕長葦有
生氣我昔夜度陰山巔馬蹄亂踏冰花圓青石梁高灤水
闊蟬螭塞外雲連天虎風夜嘯秋林急早雕如人向人立

四更月黑星滿天一箭橫穿侵鬼泣紫蒙白雪名上家青
山紅徧燕支花美人如花復如玉尊前爲我彈琵琶一曲
琵琶一杯酒笑指天南看北斗棄繯依舊空歸來太息生
平好身手盡裏山川我所思浪遊回首少年時於今照影
清淮水鏡裏分明颺鬢絲

答曼兄安東道中見懷之作

海潮西上走龍馬野渡縱橫失舊河入市魚蝦憐地僻衝
寒鴻雁比前多珠江暮雨憐銀燭灤水西風憶紫駝各有
因緣前定在不知身世竟如何

寂寞華年感半生蒼茫心事酒邊橫合離天外飛鴻影悵
慨中宵叩角聲渴疾但尋特健藥壯心羞結曼胡纓姓名

苦被人間識滄海橫流此弟兄

原作

陳鴻壽 曼生

更無綠字受靈隱
賸有微茫走濁河
淺水鯽如名士少
荒郊犬怪長官多
折腰我自慚籬菊
腫背誰能辨橐駝
扶夢衝寒踏殘雪
六張五角奈愁何

萬里歸來自感生
馬前一笑大河橫
霜柯不隔棲鴉影
市店初停臘酒聲
墮懷中宜短褐
飢腸天外謝長纓
對牀風雨當年事
人世相逢幾弟兄

三月二日減壩合龍黃河復歸故道作河復詩呈鐵

梅菴制府兼可亭徐心如兩河帥

炎防竹槌瘁經營
河伯冰夷盡效靈
萬艇帆檣喧急雨
兩

隄燈火動繁星十年舊讀河渠志一卷新募嶽瀆經辛苦
今添疏鑿處鵲鵲聲裏晚天青

九曲安流綫路通迴瀾從此百川束手扶輿極初平地眼
見龍淵又築宮籌筆頻勞三帥略負薪原藉萬夫雄中流
砥柱今誰是莫忘葦丹第一功

李書年觀察力
主復舊之議

圖書案古古無僞兩記辛勤仰睿謀投璧金隄宜震鼎
升香玉殿普懷柔魚龍徙宅先桃漲鴻雁無聲問麥秋記
取成功好時節綠楊陰裏賦黃樓

河工告成大府軫其行役勞苦奏請留於江南補官
喜老親之得就近迎養也感呈鐵梅菴制府戴可
亭徐心如兩河帥並寄別皖中故人

卜載金臺客鬢寒。劇來辛苦滯河干。依劉綠重經年住。薦
補恩深一表看。聽雨遠勞諸弟憶。望雲近覺此心安。故人
錄別匆匆甚。迴首青山路百盤。

將赴吳門留別袁江

玉遂驪歌過暮雲。客懷流水共粼粼。已看綠樹遲歸舫。又
對黃河別故人。謝客詩情花入夢。樊川春恨雨如塵。清淮
夜月蘇臺樹。應向煙波寄畫鱗。

淮陰明武宗劉美人簪花樓歌

淮山橫黛淮水春。汜光波照龍舟新。君王好武兼好色。後
車遠載劉美人。美人從何來。宜府弦索詞場催。瀛國夫人
擅麗色。奉華妃子矜仙才。美人從何去。龍旗雲暗鄱陽渡。

城下深防漢將圍晉陽肯被周師誤淮陰城上有高樓君
王駐蹕樓上頭美人同輦侍君側紅闌干外燕交流銅鋪
晃日朝霞曙美人樓上曉妝處簪盡江南江北花贏得君
王屢回顧君王去美人畱玉釵符信失何所翠華一夜旋
虛溝明月笙歌不相待入夢白龍渺雲海騰禧殿圯豹房
寒牕有當年畫樓在畫樓樂府唱羅襪蕭寺花旛冷暮雲
金雁玉魚共零落昌平誰弔美人墳

谷林堂

谷林堂在平山堂之側見東坡詩所謂深谷下窈
窕高林合扶疎是也遺趾久廢僧某復之阮中丞
師爲書舊額余因過而題之

平山堂左谷林堂曾是維摩古道場蘇子文章空寂寞阮
公書法自矜莊庭前綠樹清陰老江上青山夕照忙笑我
生平謝禪悅風花一任繞空廊

瓜洲夜泊

星斗碧橫天孤舟夜不眠帆檣上海月樓閣入江煙樹遠
鐘聲合山空鶴夢圓龍吟定相答清嘯挾飛仙

瓜步魏太武祠題壁

南北區分各經緯中原雲擾江水沸淮甸有客推符秦瓜
步無人抗元魏明元之子道武孫開國亦自英雄人屯兵
漠南擴塞北沮渠禿髮皆來賓宋武當年定關洛趙魏匆
匆未經略安西參軍疑阻深可惜龍驤王鎮惡車兒逸氣

風雲開六師，繼出爭滑臺。金墉虎牢得，復失尹沖杜驥賢。
將才懸瓠南，下健號虎車。駕行宮掖淮，浦大育中原。混一
心，萬馬黃江飲。江潯烽火樓外雲，襖湖北伐自悔誇雄圖。
長城空復念道濟，棄軍曾未誅元謨。甲申遣使百半饋江
表，名城半捐棄。不書貢物略，師婚國惡分明史。臣諱太武
蘇，史有之。長江大壘江流東，僥倖退敵非成功。六州赤地
萬戶盡，不悲猿鶴悲沙蟲。百戰威名賊輔國，孤軍獨戍盱
眙北。鈞車一夜合長關，十萬還師陣雲黑。一篇檄草宣軍
威，三旬解甲終旋歸。渡江苦使當大敵，肯令功業殊淮肥。
見臧太息此間王氣在齊師三度周師再百年南北盡消
磨江上青山冷，秋葉童禿終應卯。年悲鹿馬紛紛國祚衰。

一片雲旗江上水暮潮寒雨佛狸祠

京江曉渡

潮落海門涼東流接滙茫江山自空闊天地亦清蒼吳楚
征帆遠齊梁戰壘荒蓬窗酌酒懷古意飛揚

蘭陵夜泊對月

今夜江南泊蘭陵月滿船遠天如此白客夢漸同閒疎樹
流雲外明星水郭前清輝應可戀倚枕不成眠

虎邱白香山祠

澄波月浸太湖圓花石閣林又此開塔影當空秋水靜鐘
聲隔岸暮雲間左司香火銷春社杜老樓臺倚遠山我是
歲寒巖畔客新祠煙柳幾回攀

西調亦
有六祠

登懷杜閣擬卜地建太白樓卽題香山祠壁

并序

毘陵趙甌北觀察以工部詩中有東下姑蘇臺語
謂少陵遊蹟曾至吳門因於白公祠中議建懷杜
閣而於太白曾未之及考蘇臺覽古見於詩集建
丑月十五日虎邱山夜宴序見於文苑英華則太
白之至吳較少陵爲可信按唐書肅宗於天寶十
五載丙申七月接位靈武改元至德白自宣城之
溧陽又之剡中遂入廬山永王璘引師東下脅以
偕行越二年戊戌改元乾元白以永王事長流夜
郎次年己亥遇赦得釋還憩江夏岳陽復如尋陽
又次年庚子改元上元是年九月制去年號以建

子月爲歲首至明年四月復稱年號則太白之宴
虎邱在上元二年十二月也時太白遊金陵往來
溧陽宣城間遊履一至吳門揆之情事亦皆合也

靈巖夫差館劒池闕墓吳宮花草久寂寞古來遊者題
詩處異唱仙人李太白絕後空前一詞客清平賦後賦蜀
道長嘯青天摧采石金陵遊更吳門遊狂歌蘇臺讌虎邱
夷光殉國少伯去江山寥落三千秋是歲上元二年月建
丑明月在天杯在手霜花寒點紫綺裘長星勸汝一杯酒
菱歌清唱楊柳枝當日讌集何無詩蘭亭修禊亦偶耳一
敘妙壓王羲之是時夜郎初放赦萬里歸來意悲咤唐宮
陳蹟吳苑同回首金門白雲謝君不見白香山繞門流水

叢祠閒又不見什少陵朱闌隱樹森高臺獨有滴仙人不
識俗眼紛紛堪太息會向池南起畫樓燼燼長庚映天碧

太夫人至

經年違剝下今日版輿來幸未慈顏瘦欣看笑口開諸孫
捧雙袂弱弟勸深杯陟岵心猶感南雲首更回

家大人爲
常離使所

款未得卽
至故云

太夫人至甫二日述復有袁江之役感薄宦之無聊
嗟簡書之未已誦言如醉鳴之以詩

經年行役曾無定匝月歸來未息肩纔得全家停畫舫又
催遊子上離船每懷靡及嗟誰告豈不懷歸獨我賢宦海
浮沉竟何味一犁春雨憶耕田

雨中渡江

破曉出京口孤帆飽溼煙早潮瓜步水微雨廣陵船送客
青山遠迎人綠樹圓聞鷗不相識行役過中年

袁江寄寓僧舍雨中書悶

百愁如水雨中深悵悵勞生又自今無以爲家貧士感不
遑將母小人心羣仙高會春雲散彌勒同龕佛火沉岷岷
一詩家兩地燈花消盡短長吟

自春不雨至夏六月淮水弱不能濟運黃水行運河
者四閱月壅焉舟楫阻絕田畝乏灌溉居人之汲
飲亦絕矣余自袁浦還陸至邗上目擊情狀惻然
憂之乃作詩紀事並告當事籌所以濟之者

去年淮水強下遊蕩廬屋今年淮水弱上遊失溝瀆黃流
勢建瓴杪春逮初伏水過泥沙停漕河變平陸河口矧咽
喉一閉衆脈縮糧艘七百餘一一輿脫輓民舟以千計隨
處滯艫舳值淺摧帆檣守廩假餽粥今夏熱最久雨稀暑
彌溽居人乏汲引滴水貴珠玉更聞下河田曾未種種陸
赤地到海隅閔凶一何鞠我行從北來舟楫易車軸奔走
赤日中枯暍軫僮僕朝見父老歎暮聞婦子悲哀此皚皚
民中夜空躋踟導淮以濟運聊救目前酷賦詩當繪圖敬
以告當局雲漢正昭回繁星照河曲

虹園道暑晚得快雨喜賦

清梵隔城遠名園結夏來船依綠水轉門對畫橋閑曲沼

環蘭密虛廊抱竹迴莫言河朔飲此地好樓臺
勸酒藕花上雙鬟斂翠蛾新詞歌白雪團扇畫香羅選石
涼初覺臨風客欲醒平山當日讌較此定如何
忽然雷雨至池館晚涼生正上籌河議兼深坐歲情迴風
響蕉葉涼吹入松聲莫遣殘虹影樓西晚更明

吳門七夕

絡角紅樓外銀河靜有聲秋星隔簾遠畫燭背人明昨歲
羈秋浦頗年客上京團圞重憶舊多少別離情

昆山訪元顧仲瑛舊居卽書惲壽平所摹玉山草堂
圖後

玉峯山色謝家湖人說長康舊隱居當日園林盛羅綺祇

今煙水狎樵漁百年高會浮雲外一代遺民劫火餘
畱得草堂圖畫在夕陽鐘磬問僧廬

過青浦弔王述菴司寇

麟閣圖形日漁莊話舊年大名諸葛重高隱季真賢湖海
文原富河汾道孰傳詒經曾問業迴首一悽然

雲間弔陸士衡

從來大節關忠孝入洛當年事已非羈旅何堪薦重寄河
橋況未識兵機文章有劫悲龍鳳兄弟無心賦薺薇太息
華亭山下鶴冥冥高唳破雲飛

晚渡黃浦

煙江小住暮雲橫又挂征帆海上行魚尾晚霞隨棹散蛾

眉新月對潮生涼歸碧樹新秋氣夢憶青山舊雨情惆悵
宦遊同作客夜天如水總盈盈

奉賢城小而僻四面多蘆暇日登覽得青蘆城郭秋
風早七字因成三律寄懷知感舊之意焉

綠翦瀟湘一尺波涼雲吹動影羅羅青蘆城郭秋風早碧
樹樓臺夜月多近水簾櫳遲玉簫遠天星斗夢銀河
桂杵年年事又隔煙江怨奈何

海氣橫空暮雨殘浮雲高閣俯危闌青蘆城郭秋風早紅
樹旗亭夕照寒新月窺人憐短鬢舊遊如夢憶長安劇憐
縱酒呼鷹地回首關山路幾盤

浩渺浮雲動客心十年蹤蹟感登臨青蘆城郭秋風早黃

葉江邨暮雨深海上題詩憐側帽天涯高會憶題襟西湖
煙水西溪雪倦翼何年返故林

風雨

望望不能至亭林渡口橋江流鳴急雨風力折迴潮花月
新詩卷雲山舊酒瓢昨遊成短夢明鏡寫金焦

雨中望九峯

遠樹橫雲溼翠重晚天澹墨暈芙蓉扁舟人在江南岸暮
雨瀟瀟暗九峯

吳門中秋

一年有味是中秋好月依人肯暫留今夕簾櫳仍水榭昨
宵星斗尙扁舟夢迴紫塞鴛鴦灤天遠黃河蟻蝶瘦瘦骨

十分憐病婦纔消舊恨又新愁

五君詠

道德師老聃漆園聊假息不知身世間何者爲隱逸一卷
南華經天地悟齊物寓言託夢寐栩栩作胡蝶

莊周

權謀道家忌功名智士懼鑄金與藏弓深機一時具冥鴻

自高蹈肯爲七人慕落日五湖舟更載夷光去

范蠡

尉佗亦人傑竊帝頗自喜大夫說之去賢於書一紙橐中

千金裝曾不誨惹苒隨地相嬉嬉其樂可忘死

陸賈

高文竟不用善病亦有託名豈狗監成賦偶兔園作遠山

翫眉黛彈琴意味殊樂肯學揚子雲寂寞終投閣

司馬相如

曼倩氣節士文章更佚麗漢庭侏儒多滑稽有深意星辰

與神仙駭歎任末世宛若作小妻瑣事皆可記

東方朔

碧城選花曲

芙蓉城闕春雲重小隊花鬢驂白鳳香國初開選佛場月
宮疑作遊仙夢乳燕雛鶯一樣嬌五銖衣薄颺輕綃分明
玉女三千籙彷彿揚州廿四橋玉顏一一更番認芳名一
一從頭問三五佳期二八年迴頭都帶桃花暈十八雲鬟
作兩行畫屏七十紫鴛鴦惜無周昉丹青筆徧寫嬋媛墮
馬妝蘭金親署東華籙前生修得看花福一錢竟許看西
施鏡中祇覺顏如玉碧雲吹散碧天寒花氣畱春夢雨殘
翠袖玉人曾倚處碧城十二曲闌干

碧城後選花曲

順道堂詩選卷八

金粉滿堂香四壁翠彈紅酣成一國一花謝後一花開又
見春風好顏色花中逸韻惟芳蘭衆芳領袖推牡丹國香
國色兩不易紅塵迴首仙才雖娥娥紅玉窈窕蘭鏡一樣芳
華各明靚美人都合號無雙環肥燕瘦知誰勝碧玉何嘗
是小家橫波兩字最芳華始知玉樹瓊枝外別有雕闌第
一花出色花枝自矜重不是東君誰解種花月媚緣宛轉
情神仙眷屬繁華夢杜蘭香去未移時惆悵雲容絕世姿
極目煙波秋水碧渡江桃葉總相思

山鷓鴣詞吳女多遠嫁感之而作用太白韻

塞雪生寒邊月輝深秋鴻雁向南飛娶得南中鷓鴣婦春
暖相將向北歸銅絃聲急白翎雀自矜毛羽來相欺弱羽

懷鄉不忍去比翼之誓初心違不見明妃悲遠嫁至今清
淚霑人衣

吳石雲侍御

榮光

自浙江典試還

朝道出吳門饒

別山塘兼寄船山京師

天風吹浮雲會合良有期與君昔相別春明寒柳絲經年
不相見明月同相思君今奉使還手折珊瑚伎片帆過
吳會握手河之麋未暇吐肝膈一笑軒須眉念昔客琅嬛
蹤蹟同京師簞館秋說劍雲閣夜譚詩已堅金石交兼惜
鸞鶴姿君才旣踔越君志尤權奇昨聞淀津疏一再鋪丹
墀孤忠與遠慮天子心知之我友張船山離憂託遨嬉
與君有同志奏議騰英辭賢臣遇聖主肯以頌易規丹

穴雨鳴鳳爲國作羽儀過君長洲苑別君短簿祠畫舫與
玉簫爲君勸一卮願君厲名節勿使冬心移斜日照關樹
津吏候解維仰視問闔雲又逐天風馳

懷仙曲

小海迴波浣雲碧明河隔斷支機石樓臺影薄秋鏡空玉
鉤無聲畫簾白樓中玉女雙蛾眉紅銅夜冷彈金絲靈簫
低鬟阿環語似嫌宋玉多微詞是風微吹月華蝕青鳥南
翔玉鸞北祇隔人天不隔愁朝雲花葉同消息舊夢回頭
記拍肩瑣窗碧樹換華年霓裳舞散青天夜應向紅塵憶
謫仙

小鷗波館詩九月二十管姬湘玉來歸作

萬玉爭妍讓此花更從幽靜見清華春風蘭巷藏深宅秋
水蓮莊問舊家淺醉乍扶眸損鳳新妝初竟鬢堆鴉欲知
今夕纏絲意祇有紅窗韻字紗

九華燈暈暗簾櫳不照梳頭照守宮溫軟語如花綽約聰
明心似玉玲瓏緣成禮佛三生後春在遊仙一枕中消盡
生平惆悵事江湖寒雨憶孤篷

美人難得是同鄉燕子虛家舊畫堂今夕可容迎畫舫當
年原祇隔紅牆吳王苑樹出新月西子湖波照澹妝一笑
蘇娘樓畔路任他油壁住錢塘

玉臺宮體稱芳晨玳瑁裝書鎮日親團扇帖幕楊妹子簪
花格仿衛夫人香殘燭炮重簾夜竹韻蘭修水國春我是

當年趙承旨鷗波同玩月華新

天風環珮引

明淮靖王祐棨琴名

霜氣茫茫月華白冷暈無聲蕩秋魄玉人天際期不來滿
地寒香對空碧橫陳綠綺如有情七條弦上天風生非金
非石非流水餘音散作環珮聲乍疑洛川神微步颺輕袿
又疑李夫人珊珊來何遲秦雲縹緲楚峯遠金塘綠水長
相思我昔夢騎紫鳳遊丹霄上元素女紛相邀衆中玉顏
誰第一九華小妹安靈簫右腕成君衣左挹雙成袂窈窕
萬玉妃清臚遠含睇五銖衣薄輕如煙迴鬟笑拍紅塵肩
豈知一謫下塵世碧城寂寞愁青天燕釵拖頸鵲鬟綠隔

斷畫樓人似玉神女臺空暮雨寒莫奏瀟湘水雲曲

吳彩鸞借書唐韻

繡襦甲帳人間世玉顏婉媚雲鬟麗紙上香濃謠不消一
函唐韻神仙字神仙遊戲踏歌場舞仙婆娑月影惊鴛牒
姻緣前定在山香一曲願仙郎仙郎別有銷魂處願隨秦
女吹簫去瓊樓縹緲碧雲重鸞岡曲曲西山路便合雙棲
老此間桃花深處好煙鬟卻因閒話蓬萊事暫向紅塵作
謫仙城南近接仙壇地女蘿憔悴如人意炊珠饌玉事艱
辛從今領略塵寰味麝月金星冠玉臺烏絲小幅筆花開
神仙窮到無聊日也向天涯賣字來將鄉飽喫胡麻飯書
生庸福應堪羨最好妝臺寫倦時蛾眉還許彈琴玩一自

青山跨虎還昇仙遺事太和年趙家書譜鈴宮印此是當
初第幾編釵痕宛轉香痕薄百番小字眞珠絡故里猶傳
寫韻軒殘縑合付簪花閣琳琅清闕玉題標紫極宮庭隔
絳霄珍重仙家好夫婦求仙祇合作文簫

湘宮人折花曲爲姬人湘玉題折花小影

蘭幙掩流蘇玳窗間了鳥華燈暗蛺蝶膏沉煙息龍腦碧殿
怪螢多玉樹啼鳥早銅輦夢回時月落湘宮曉宮裏曉妝
人娥娥紅玉春畫眉螺黛淺注的麝黃勻髻重暗遮霧鬢
嬌輕掠雲芳年自珍惜顧影獨含顰含顰復含怨徘徊玉
階畔迴頭睂紫釵振袂鏘瑤釧柔枝顫細腰高葉寒芳腕
桃鬟立其齊蘭氣吹相亂花下語流鶯紅芳散落英羅屏

飛蛺蝶玫砌上蜻蜒斑竹淚空滴巫山雲不行守宮還似
昔脈脈不勝情柳絲分燕尾弱絮吹還起嬌細不勝風歸
坐紅窗裏灼灼合歡枝盤盤雙連蕊簪向玉臺前明鏡如
湘水

唐王真公主指書靈飛經真蹟

瓊宮上法眞靈籙簪花小字嬌眉嫵蘭蘭芸香護七籤芳
名尙署唐公主唐家公主數何人第一蛾眉是王眞帝子
秋風臨北渚天孫銀漢隔西津生來愛說瑤清事龍樓不
羨皇家貴金輪禮佛玉環仙本朝家法原如此別起琳房
閭玉墀豪奢不學定昆池青山遠築王姬館碧落新開玉
女祠飛華袞褶瀟湘水鄴侯仙骨曾呼弟瑤草琪花沁水

出瓊樓玉宇蘭陵邸小步蓮華躡鳳翎夢中法曲譜嬰靈
瑤壇畫靜沉明磬誦得靈飛一卷經靈飛六甲緝篇目朱
符服竟閒微祝蘭修縹緲更靈珠太元女伴都如玉美女
登臺六法工琉璃硯匣墨香濃烏絲麝旒眞珠密惜少蘭
金小印紅細字蠶眠親檢校方諸臺上誰同調展卷更香
寫小名粲然玉齒低鬟笑君不見文成嫁後又金城幾輩
和親絕域行珠闕花宮青海上神龍舊誓續前盟又不見
同時七主多驕橫紛紛開府干朝政墨勅斜封安樂驕翠
華頻莅長寧盛竝蒂芙蓉各自妍一時同志有金仙星冠
羽轂辭宮禁尙憶先朝太極年上清進號元都錄玉顏小
妹長蛾綠本師同拜史鴻臚增才那得張光祿此卷當年

奉勅書黃庭楷法問歐虔綠翹侍女親磨墨花謝東風二
月初彷彿昭陽內人筆晉陽飛白回閒逸心經零落佛祠
荒開元全盛無多日抑足雙行點畫精持盈款識認分明
清容鑒古曾無識鑒空惟誇鍾紹京蘭亭蘭紙同珍重夜
光抵鵲空驚竦收藏海內更何人海昌陳與華亭董玉版
香濃蠹不消金星麝月總無聊碧城十二闌千山閒煞秦
臺月夜簫

書徐昭華集後

西河弟子徐都講受業親從傳是齋妝罷譚經依絳帳花
前執贄捧金釵六朝宮體思何綺小幅迴文字亦佳一代
名媛此前輩芙蓉春水又天涯

長母相忘鏡歌

銘曰見日之光長母相忘藏揚州阮氏琅玕仙館
秋水一奩影紅翠繡囊珍重纏綿意宛轉芙蓉鏡背花燕
支鑄出相思字玉顏妙麗有輝光珠幌玲瓏照曉妝圖寫
十眉勻黛綠宛環雙鬢貼花黃君心如日妾如月月不常
圓日不缺但願君心鑒妾心團圓三五清輝發銅鞮秋深
夢不寒丁寧密誓託雙鸞比肩祇許同心照冷眼還從對
面看蘭亭又出入間也古今誰是多情者秋扇恩深忍棄
捐殿西更有鴛鴦瓦

以紫雲硯與大女華娘

十載相隨萬里行紅絲匣底紫雲橫香山最愛金鸞子信

國偏憐玉帶生河海頻年勞草檄山莊一賦魏知名而今
付汝充奩具寫韻軒中作繡縈

書花蕊夫人宮詞後

摩訶池上蘭橈起雪香扇底秋如水太平天子最風流不
愛花枝愛花蕊翠鈿蕭條葬太華後宮領袖屬徐家冰肌
玉骨清無汗國色爭推解語花香囊四角流蘇帳幃宮衍
御前朝樣恩重駕袞第一人春風不羨羣花放親奉蟠桃
酒一杯涼生水殿暗香來宮詞百首追王建絕代芳華絕
世才紅樞子綻真珠匣翠蛾六鶴圍銅沓錦地橫鋪白玉
階牙牀深鎖黃金閣九曲龍池卅六宮五雲高閣坐當中
錦官城郭芙蓉色不及朝霞一鏡紅百花潭水春波冷芳

晨從駕紛都雅映水龍舟島嶼中
隔花鳳輦樓臺下豈知
轉眼陣雲黃高掃朝天兆急妝
燕子碧前無戰壘龍神祠
外失浮梁四十萬人齊解甲可
憐馬上宮腰怯故宮墜斷
不歸來一樣傷心悲建業慷慨
猶傳應詔詩蛾眉原不媿
男兒流傳禍語何人筆半闕
葭萌驛壁詞故君恩重聞殘
畫堂男每下張仙拜燭影搖紅
慣負心青溪劍血尤無賴
別有嬋娟未受恩巉巖劍閣肯
捐身黃金欲買西川錦織
出當年殉國人蜀宮人袁蒨花
歲夫人侍兒也國亡夫人
處石上點點作珊瑚斑即靈骨
所託也見薛皆山香間遺集

香姜閣瓦

河邊殺慙飛上天神武佐命天
平年銅雀無聲金鳳死三

臺復起漳河邊漳河流水日東瀉鄴宮遺址色如赭猶是
冰井臺畔泥燒作香姜閣中瓦樞頭翦馬三花髮黃頭鮮
卑真人雄青雀化作鸚鵡子晉陽四塞開新宮九龍母死
不作孝執樂紅妝萬花笑左射翔鷗右射烏閣中二婦皆
妍妙玉壁不拔汾水枯南臺作寺甄浮圖斛律斫地歌勅
勒溢陽天鹿埋寒蕪素箏濁酒此何客可憶當時道南宅
丹青曾寫展子虔何必韓陵一片石

楊妹子畫梅宮扇

舊團扇畫紅梅一枝上題詩云樓臺金碧月舒波
宮麝香銷掩黛螺貌得南唐新粉本飛花如雪撲
紅羅印曰楊娃筆畫纖麗殆真本也

丹青院體詩宮體南朝金粉嬌羅綺妝臺零落劫灰寒遺
蹟流傳楊妹子生小嬋娟玉貌豐髫年通籍入深宮昭陽
百首新詞在姊妹花枝一樣紅當時御府多書畫畫家各
自矜流派都在嬋娟品定中玉臺韻事畱佳話粉本何人
寫折枝殘山應識馬和之濃香一抹銷宮麝更賦梅花本
事詩花枝掩冉凝嬌態冰紈紅滴脂痕碎南唐舊夢憶紅
羅前身應是娥皇妹趙家舊事說同心何不雙棲並命禽
愁絕宮梅花落夜玉階明月怨瑤琴

燈下觀小女麗娘作書

桐陰滴雨綠窗虛刺繡餘閒掩綺疏湘管染從磨墨後雲
藍裁向上燈初好繡阿嬾簪花帖休學而翁帶草書記取

涼宵理清課寫完女誠誦關雎

鸚鵡地圖

西洋地球圖載此地爲南極下野區新同南墨利
加火地皆爲第五大州曾有佛郎西舟於大浪山
望見有地就之惟平原漭蕩入夜星火瀾漫一方
無人但見鸚鵡名曰鸚鵡地

蜃虹溫帶榮天細十洲異事誰能記域中原有鳳皇山海
外新傳鸚鵡地此地遙鄰墨利加龍宮寶氣孕金沙西洋
綏路實鍼直南斗珠星丙夜斜狂濤不蝕三銖上鄰鄰瑤
碧凝懸圃四照花開不見人漫天匝地飛鸚鵡仙島風和
氣不寒暖煙紅葦日華丹啄餘香稻明珠碎棲老瑤林玉

蕊殘雙襟染翠修翎碧銜花鈎喙珊瑚赤學語誰傳海上
聲凌霄不是中原關桂家奴子武仙郎眷屬相依水一方
粉羽羣飛疑蛺蝶綠衿比翼學鴛鴦星火中宵映天漢大
浪山高橫赤岸何年舶趙佛郎西扶桑以外曾親見天海
蒼茫事有無廣輪曾見地球圖丹青珍重王孫意重倩良
工院體摹遺露花臺飛萬翼海波倒射晴霞色丹穴鸞雛
自有家烏衣燕子曾開國披圖我意最相思小錄夸堅信
有之記得南朝柳歸舜遊仙曾遇戴蟬兒鬱華滿地真如
此此去中華知幾里祇在圓羅一握中盈盈尙隔千重水
我疑此地卽蓬萊青鳥傳書定往來日暮清冷瑤水碧隨
風還上紫瓊臺不然三國應相近金經日誦參心印六時

奏樂散天花妙音自和頰伽韻君不見天寶當年樂事稀
呼名常伴玉眞妃畫好初散牙牀冷香家孽蕪葬雪衣又
不見德壽宮庭盛南渡解絲絢曾許歸山去中使前頭問上
皇離情黯澹錢塘樹從來文采致樊籠繡闥屏山閉後宮
爭似瀛洲西畔路飛翔任意海天空海碧天青飛自在瑤
精散暈生光彩天上芙蓉別有坡人間星宿原通海弱水
西流去不還芝英瑟瑟玉成田一生不入黃金殿莫向風
前說隴山樓臺倒影魚龍伏欲泛仙槎路難卜想見歸飛
拍拍時晚潮一片斜陽綠小夢華胥記未眞雕欄間對綠
朝雲翦燈凝續陳思賦誰是曾經滄海人

題商寶意詩集

也從騷雅乞靈芬
語琴心百感紛
北宋才名蘇學士
南朝風味謝將軍
杏花新句吟春雨
桃葉閒情感暮雲
我亦當年學宮體
江南兒女唱羅裙

梁溪阻凍遵陸至蘭陵

頻年客京師
屢見玉河凍
嬉鬪羽林捷
坐假冰牀控江南
地氣暖寒波浮湧
洞縱有流漸結
不改微波弄連日
阻狂飈長年身手空
今晨風漸和
準擬輕帆送
豈知未十步一
堅不可動誰鑄大
圓鏡晶瑩出磨礪
舍舟乃遵陸馬轡冷
難鞚淖沱渡漢騎
長江阻魏衆
今此復何爲
徒令行子痛
晚煙羃寒綠
龍山潛孤夢
竟日百里強衣上
餘霜重望望
蘭陵郭呼燈開酒甕

自蘭陵登舟至曲阿竟夜行冰凌中夜不成寐

朝辭梁溪懼暮見蘭陵郭行行百里強漸已倦腰腳遙聞
榜人語紅燈暗水閣津吏閤勞苦水驛孤舟泊僕夫促解
維衾枕倚寂寞微波響柔櫓恬此夢魂樂無何殘柝斷漸
覺衆聲作碎玉鳴階除哀絳隔簾箔清厲銅籤投鐃鳴龍
劍躍流泉咽幽澗折竹應深壑側耳流淅流一一船底掠
有時大聲起長年盡驚愕山石裂巉巖驚霆震虛郭恆恐
船唇穿兼疑舵牙縛攬衣不成寐餘音蕩心魄起窺蓬窗
罅霜月橫漠漠和此清商音寒雁一繩絡情無玉琴弦古
調譜約略前程指曲阿斷岸明星落

打冰行

層冰峩峩山足斷碎冰磊磊白石爛中央一道河流明一
夜北風堅寸半大船打冰橫庚庚小船打冰不可行千篙
萬杵手欲折義和敲石玻璃聲婦子相看各愁絕待此冰
消知幾日江湖滿地一漁翁地凍天寒行不得忽聞夜半
聲喧飀箭師理檝船娘哈紅燈萬點河冰開揚州太守官
船來

海陵道中夜行霜月下書寄家人

靜掩支窗畫燭紅半銷香味拂薰籠誰知客子江皋路盡
在清霜皓月中

水繪園雜詩

敗葉填池水不流更無殘礎況層樓名園寂寞詞人老四

百人間三百秋

翠被焚香事有之紫雲應復勝楊枝伽陵才子多情甚肯
賦梅花百首詩

禊飲重修上巳春一時邵許盡遺民玉壺潑乳烏絲寫憶
兩湘中閣上人

到公石圮碧苔侵菜圃葦籬落葉深賴有故家老孫子尙
畱一角在香林巢民弟弼工年八十餘贖園址復歸目氏
有楹帖云香林客散花猶笑水繪無聲月
開

古樸巢空散暮鴉魚磯鶴嘯總平沙東風記取前朝樹猶

放紅藤一桁花園中紫藤
一本甚古

籤雅新編見逸才梅庵憶語月徘徊褪紅衫子流黃簪曾

見嬋娟小影來

女羅字說寫溫存花月新聞對酒論滄海遺民更誰在當年祇有杜茶邨

秣陵高會憶河橋黨籍清流禍不消滿地斜陽兩人影杳南雪北話前朝

曉乘殘月渡海

雲擁白帆驕長風送次寥微雲江浦樹殘月海門潮浩蕩前程遠鴻濛積霽消頻年撫身世一樣感萍飄

送李墨莊兵部還蜀

雁聲催雪釀新寒銀燭花深坐夜闌一品文章傳海國十年風雨憶騷壇夢迴金馬長安遠峽轉黃牛蜀道難欲寄

雙魚定何所錦官城郭路漫漫

爲姬人湘玉書春帖子

春氣溢蘭房春人笑語香雲衣千峽蝶花勝雨鴛鴦眉點橫雲黛釵低卻月梁東風好消息先到鬱金堂

吳穀人祭酒楊蓉裳農部約同鄧尉探梅適以海上之行不果作此畱寄

眼前蹤蹟半仙凡翦燭親題寄一函不向湖陰踏香雪卻從海上挂春帆

農部文章祭酒詩收之才調似微之酒邊唱到西洲曲應與離人寄一枝

十年塵夢壯懷銷又趁長風泛次瀟一角青山萬梅樹相

思夜夜託春潮

桴亦有懷陸道威先生

滄海橫流日乾坤寄一桴其才可名世所學是真儒著錄
追三代煙波接五湖祇應玉峯客同志結菰蒲

謂顧寧人

劉河渡海

舟人殘夜報潮生又挂春帆海上行白浪有聲風力健碧
雲無際月華明叩舷氣奪魚龍窟投筆人來騾騎營問道
鯨鯢未全戮少年曾記請長纓

施翹河禮天后宮作

珠宮滄海上門對碧瀛開靈蹟依三島春濤靜九垓金燈
迴遠艦寶樹擁層臺欲証元君事慚非考古才

天后亦稱
碧霞元君

又是封藩日時有冊封琉球之命冊封天書下使臣崇祠金冊黃望
祀御香禋青島仙舟導紅螺海國春安潮應可卜五嶽
久無塵

書崇明志後

萬里長江下當關此一州紫雲唐代瑞黃屋宋時秋海道
東南便潮聲日夜流前朝留御墨珍重古瀛洲
片土懸滄海孤城俯積沙五遷迷舊邑六姓問誰家圩界
爭栽柳居民利種花青紅小兒女一樣鬪繁華
雙角橫天塹銅沙限海門樓船下楊僕饒道阻孫恩轉舵
憑風信乘潮驗漲痕吳淞遙控制礮火列營屯

四面天如水雲帆指大洋潮生貌鮑廟花落婕妤莊鶴冢
殘碑失龍隄舊蹟荒金鼇閒獨立高詠劇蒼茫

劉婕妤莊

在三沙宋劉婕妤置莊於此其地尙有張循王韓
侂胄二莊以時考之當卽高宗之大劉妃也

脂田粉確已全荒蝕盡春潮勝故莊飲鹿槽空悲號國濯
龍池洞夢昭陽鶯花世界紅羊盡金碧湖山白雁涼爭似
琅嬛珍片石至今人說泰華堂

銅沙行

江發源岷山北岸自成都重慶至江南之通州以
迄於蓼角嘴南岸自敘州遵義至松江而迄於高

家嘴二嘴環抱爲崇邑之外蔽中亘一沙爲江海之門限曰銅沙言其堅也

長江萬里從西來東行入海聲如雷高廖二嘴作鎖鑰海門浩蕩青天開江流入海海水噴江海相通不相濶天以此沙作門閥盡斷鴻溝嚴尺寸沙脊隱見如長虹洪爐百道鎔青銅鯨呿鼉擲吸不去終古沐浴洪濤中滄海桑田有時改惟有茲沙古今在雲帆過此指扶桑去賦東南大瀛海

以海水滌視系之以詩

截肪香膩紫雲蒸滌盡殘門墨數升祇恐蛟龍誤吞去一逢雷雨要飛騰

合喚天池作墨池
匣中紫氣潤紅絲
一泓更注蒼溟水
好寫東坡海外詩

烏絲長伴燭花紅
寫罷閒情寫惱公
此後小詩嫌褻汝
更成海賦傲張融

當年攜汝渡灤河
滌罷隄塵手自磨
憐汝生平共辛苦
又從海上浴鯨波

海上夜泊寄湘玉

碧落書難寄紫鱗
畫樓天遠幾由旬
偶因清淺逢萊水
憶到芳華茂苑春
世外不知何日月
眼前相識祇星辰
自憐滄海孤舟客
原是深閨夢裏人

畫燭花殘燵短檠
金錢應復卜征程
劇憐夜月紅樓滿
未

免春寒繡被輕早燕新鶯將二月青天碧海又三更靈巖
山下採梅約多恐歸來已落英

泛海四首

星斗量天尺煙雲買月槎鸞皇載民國鸚鵡蜑人家楚相
萍初實齊侯棗又花琅嬛異書在博物問張華

天風吹浩蕩對面是蓬萊李白投書去張融作賦來金鰲
吞日月翠巖吐樓臺岱頂登臨日蒼茫水一杯

話到裨瀛外東溟有沃焦四遊隨地轉萬古總魂銷龍女
春貽佩鮫人夜織綃相思不相見一日兩回潮

曲記橫雲紫圓規畫日紅神仙身世外島嶼有無中沙滴
重洋月橋鳴萬里風生平豪氣在一笑海天空

顧道堂詩選卷八

元

天風海濤曲夜泊海門合龍港作

瀛波鏡綠迴瀾紫萬里滄溟一杯水虛空時有大風生奔
騰慣挾驚濤起帆檣燈火下黃昏昨夜孤舟泊海門上有
青天下滄海中間一碧濤無痕闌干珠斗船唇照篙師醉
臥長年笑來朝安穩轉雲帆不須更擁黃頭櫂夜色將闌
曉色開忽從天半下驚雷三千鐵騎憑空至十二銀山對
而來此時風力轉扶搖此日濤聲震沈寥天色低垂海波
立茫茫身世覺魂銷風激濤頭驟強弩濤挾風威飛急雨
壁上如懸鉅鹿兵耳邊似震昆陽鼓入險心搖獨叩舷中
年萍梗欲華顛便疑日月都歸海恐有蛟龍欲上天濤涌
風驅連日夕風止濤平海天白封姨爲我息狂飈江婁爲

我迴驚沙驚魂初定漸沉吟枕畔猶聞蹀躞音一唱天風
海濤曲水仙操譜落霞琴

聞雁

一繩征雁下遙灘有客孤舟仰面看莫趁長風更東去暮
潮初落海門寒

烏衣故國路漫漫社燕將來祇合還一樣歸程各辛苦我
浮江海爾關山

海上雜感兼寄曼兄

浮生嘅勞薪輪轉不遑息八載京華春杜陵悲旅食春樹
薊門綠秋漲盧溝黑龍首馳道瞻馬背山靈識就中一遊
灤遠過陰山北行館紀紫濛征程指白霄上林珍木多羽

獵名王集一卷山莊賦玉帳頻磨墨亦有碧城詩辛苦鏤
胸臆知己感娥媼浮名動屬國

春官竟三黜彈劾歸去來歸去未可得茆屋非蘭陔捧檄
學毛義媿非百里才二月歸子舍高堂奉尊罍三月至皖
城楚尾江潮迴四月過滁陽山翠琅邪開五月至袁浦洪
湖漲清淮下游徧澤國白龜與黃能沐陽勘舊滂下相賑
新災中澤集鴻雁使我心中哀

去年春二月雲關濬黃河萬夫共畚鍤揚飛堦今年
春二月羽檄紛如麻乘此八尺桴泛海凌滄波長風殷怒
雷駭浪迴盤渦篙師一失手萬里投飛梭涉波恃忠信自
信良足多磨竭吾所值大府平不頗輒掌敢云瘁念此垂

白何三復北山詩悠悠勞者歌

我有同懷兄出處頗相類同出琅嬛門升堂比山陽京華
我食客幕府君書記十年屢合併蹤蹟半同異我浮海上
槎君策河千騎鉏湖達榆套是我曾遊地蒲寺燭古壁應
見舊題字誰識恆河沙與君一而二潮汐定相通徑欲魚
書寄

連日阻風糗糧告罄將不得食作此書感

書生骨相慣寒餓持三日糧儉太過來時但嫌順風小歸
時始患逆風大逆風過大船不行終日船唇浪中簸長年
告乏厨人愁漸漸無煙生土銕迴腸轉作飢腸鳴日對青
天但枯坐鄰舟亦復共此厄庚癸之呼若相和食前方丈

羨何曾飯後鐘聲笑王播行役不止僕夫怨一飽無期嗟
坎珂溫語僕夫爾弗嗟磨蝎身宮緣主貨肥魚大酒會有
期但得迴驅定相賀僕夫充耳如勿聞擁被無言各高臥
吾亦忍飢誦離騷桂醕瓊糜空楚些飯顆山頭逢杜甫作
罷一詩聊自課

書明督運沈忠節公碑記並書海運疏後

公諱廷揚字季明號五梅崇明人崇禎八年流賊
陷鳳陽江淮道梗公以諸生援例授武英殿中書
上海運事宜疏自請試行十五日而達天津由戶
部郎加光祿少卿當事掣肘不竟其用甲申之變
浮海歸里舉兵舟山將抵金陵至福山遇颶舟膠

就獲先節金陵所部六百人死焉 賜諡忠節

東南給西北海運始元季明開會通河轉漕稱便利七省
脈絡通一綫咽喉寄懷宗之八年賊氛遠淮泗陵寢既震
驚城邑更鼎沸天庾賴正供恆恐不時至公也諸生耳慄
慨本夙志流離圖鄧俠殷憂策賈誼海運堪濟漕上書論
時事天子嘉其忠有詔許明試卜式貲不惜王尊險肯避
十雙沙雕船穩於平陸騎卜吉出廟灣南風颺旗幟初一
發淮浦禮神肅牲幣初二泊鶯遊海綠影山翠初六過薛
島清黃判涇渭勞山暗礁伏成山巨石倚雙島束一門洪
濤涌漾潏向北道益險纍纍石梗植云是始皇橋殘陟亘
瀛瀛篙師苟不戒人舟腹鱷鯢過此山如屏沿岸不可計

廟島近登州蓬萊隔雲氣十三遇颶風頑雲屯靈蹟十五
達津門直沽認丁字計程三千餘一一庚郵志計行十日
強宛宛辰旗逝曾無守候勞但覺飛輓易此策如竟行足
以實倉積兼可給遼藩非特飽幽薊農部逮光祿曾不忝
名位居官如沈某天下何不治煌煌明詔褒出自思皇帝
無如蝸蟻口掣肘乃及臂一生報國忱萬古傷心涕北都
愴甲申攀髯痛不逮南都急庚癸鞠躬期有濟舟山蒼漿
浮福山水艤滯獨此區區心填海學精衛上答君父恩下
全臣子義完節金陵城碧血無勞瘞健兒六百人聯戮曾
不睨同時張蒼水諱海上互聲勢遺家傍湖山殘燄古鼎
鼎公節尤森然烝嘗缺家祭時忠悲國殤遺魂想秦厲

聖朝寬大恩盛德邁前世孤忠與勁節謚法出 天賜
言宜廟祀築宮豈無地海天賦大招傳芭紛薜荔

始皇橋歌

始皇橋在登州海中勞山成山之北有石梗五十
餘里舟行極險自江南浮海至直沽必經於此見
明沈忠節公海運疏連日寄棹海上與舟人語及
乃知實有其地因爲作歌

秦皇騎虎遊八極東巡滄海觀日出長虹匿影烏鵲逃鞭
策鼃鼃驅白石白石爛爛通扶桑碧瀛穩臥長橋長金支
翠旗照海水不須欲渡愁無梁長橋未成始皇怒長橋旣
成始皇渡臣高臣斯臣去疾應乘屬車夾轡輅海神相見

事亦奇百鍊震盪或有之不知貌醜作何狀或者獼青獠
白頗似無支祈何人腳指能夾筆海神一怒海橋裂雷碾
碧巒海水翻鯨斷金繩六轡逸我言橋圯聖則然畫斷海
外非人間不然紛紛采藥去坐令方壺圓嶠亦復同塵寰
萬古寒潮空寂寞石梗稜稜利如削秋風灑水記前遊曾
上秦城觀日落

夜登舵樓見殘月

碧天雲影共徘徊高詠真疑古嘯臺隔浦帆檣殘月起滿
船星斗夜潮來三更霜氣微微下一縷沙痕隱隱迴獨倚
舵樓人不寐雁聲遙和角聲哀

海上懷人詩

漂泊海上寂寞無俚懷知感遇恆多感觸援筆錄
之得如干首生平交遊徧天下此詩之作不盡所
懷之人系以海上紀實也

百年迴首感恩深薦禰當時一表存聞道春旗渡河去心

隨明月到天門

鐵梅庵宮保
聞方入覲

天心眞愛此邦偏裴相重來德意宣第一生平知已在辦

香深夜讀琅嬛

阮雲臺中丞
重來撫浙

意度翛然李鄴侯春風著物不知秋心平如水人如玉此

是江南第一流

李書年
觀察

錫山才子錢塘客銅井銅坑約探梅一夜春波落香雪不

知畫舫可曾來

吳穀人祭酒
楊蓉裳農部

最善文章最有情經年不見許飛瓊杏花一色春如海期

爾金盃頂上行

詩青士孝廉

萬言倚馬久名家嶺海歸來鬢未華明月春燈臨別夜匆

匆猶說素馨花

錢東生孝廉

樂生氣味馥如蘭阮籍窮途永夜歎我已乘槎泛滄海望

君騎馬上長安

樂蓮裳孝廉

驥子天衢總絕塵少年如爾更無倫相如自有凌雲筆一

賦先應獻淀津

方次回明經

過江名士重江東臥病龍山隔斷鴻減盡詩情消盡酒男

兒真似可憐蟲

龔素山

元方才略似應璩同讀河渠一卷書今日雲梯關下過梅

花消息定何如

曼兒

贈水師諸將士

門戶江南重全資保障功登壇自旗鼓狎浪此艤艫橫海
無傳箭磨崖早挂弓從來名將略多在讀書中

吾宗有儒將江左啓軍門爵本承龍武官曾領虎賁風流

羊叔子儒雅趙王孫一自藍田廢蒼涼話國恩

指家樹齋軍門

憶昔琅嬛館談兵每夜分船橫赤馬隊人練水犀軍花擁

鴛鴦陣

城南塘有鴛鴦陣

炸浦蛺蝶羣

倭能演胡蝶陣見唐荊州詩註

伏波誰第

一祇有李摩雲

謂李軍門

敵愾將軍志交綏壯士羞旄頭雖膽落釜底尙魂遊我欲
長纓請因之禿筆投男兒好身手祇合博封侯

壽安寺題壁

遠從貝闕禮珠宮金碧樓臺影幾重
佛座香煙消劫火海門風雨動疎鐘
憶從絕塞瞻殊象可有安禪制毒龍
等是行香傳戒地寺門長有紫雲封

登金鰲山懷北上諸故人

不到蓬萊最上頭十年塵夢未全休
昨宵碧海初三月舊約青山第一樓
短褐秋風曾酒肆長安春色又瀛洲
故人誰躡金鰲背我自東溟汗漫遊

香雪齋觀梅

草堂倚花源十年歸未得年年春
水生微波照殘雪銅坑指香海
今春遊未能故人有佳約
遠隔青山稜生平原少

看花福況是梅花絕塵俗春風送我東溟東眼底浮雲搖
海綠竭來蕭寺尋古懽隔牆疎影橫闌干繁枝亂插向晴
昊暗香漠漠凝春寒金鼇峯頂海雲碧玉蓮池上水花白
陰廊莓苔三日生時有飛英點白石羅浮舊夢明月知揚
州銅笛吹參差海天香雪更奇絕巡檐吟煞逋仙詩松陰
漸轉斜陽暮出門猶戀看花處滄波來日送歸帆一枝折
取江南去

李軍門

長庚

輓詩

公名長庚字西巖閩之同安人由定海鎮總兵官
浙江提督故事提督綜全省水陸軍事無出海逐
賊者近以賊勢熾浙與閩接壤閩之水師諸鎮將

不足恃每有賊將軍帆率師往賊聞將軍至輒遠
避計述自己未冬佐琅嬛幕府治軍事以來於今
十年將軍固無歲不在狂濤駭浪中與賊角也去
年十二月二十五日將軍逐賊自浙而閩又自閩
而粵至潮州洋面及之賊被追急擲矢石相拒將
軍爲火鎗中喉而卒余方行役海上嗟遊氛之未
靖悼保障之無人作爲此詩招忠魂而弔焉

傳來消息起長歎從此軍中少一韓百戰孤忠餘齒髮畢
生報國祇心肝長虹氣斷三軍弩末烏魂歸大將壇東望
扶桑何處是暮雲愁壓海門寒

琅嬛草檄憶談兵橫海樓船舊有名自信韓擒爲鬪將人

資道濟作長城挂弓虛有將軍樹遺壁空留太尉營今日

無人其籌策昭忠祠下淚西傾

時阮中丞重撫浙江故云

滄波風急咽寒潮應有忠魂起怒濤曾見赤城烽火暗轉

愁瓊海陣雲高國殤當日心銜石

謂胡將軍振聲

宿將頻年病伏

歿

指孫將軍全謀

眼底茫茫更誰是海天落日首空搔

新柳

新柳鵝黃色纖纖十五腰春風一以至吹動最長條海上

攀條別和煙蕩晚潮江南好時節畫舫赤闌橋

夢醒

一綫水窗明雨餘殘月生偶從孤枕畔窺見上絃橫碧海

遊仙曲紅樓子夜情櫓聲戛歸雁搖夢過春城

顧道堂詩選卷八

卷八

湘玉爲余錄海上遊草因題卷端

狂濤日夜盪心魂銀燭春寒泊海門
憐雨妝臺眉子硯櫻桃微雨寫黃昏

紅樓夜月豔情多碧海青天喚奈何
寫到春闈夢魂句湘毫重拂墨重磨

補蘿茆屋夕陽邊翠袖蛾眉絕可憐
配爾簪花數行字烏絲新乞浣花箋

紫塞黃河盡舊遊又從海上泛孤舟
玉臺宮體休相例中有滄溟萬古愁

粉園香陣擁詩城花月江南過一生
龍女鮫人盡瑤想神仙那得更如卿

頤道堂詩選卷八

頤道堂詩選卷八